

Dae poeta

Dae poeta, dae,
vigore a sa limba tua ismentigada,
ischida sa cuscenza 'e su populu.

Dae poeta,
dae sos ogros a su zegu,
pro idere s'avreschida ammajadora,
sas dies cristallinas,
su giogu 'e sos colores,
su olu 'e sas rundinas,
sa ruta 'e sos isteddos in Austu.

Abberi poeta,
abberi sos ogros a chie no cheret bidere.

Dae poeta dae,
sa limba a su mudu,
pro cantare serenadas e durches anninnias.

Dae su coraggiu a chie no ha coraggiu
'e faeddare,
dae sa peraula a chie sa peraula li est
negada.

Dae poeta,
dae sas orijas a su surdu,
pro intendere su cantigu 'e sas funtanas,
su murmutu 'e su trainu,
sa musica 'e su entu,
su risu 'e su pizinnu.

Rie poeta,
rie, pro chie no ischit riere,
pianghe pro chie no ischit pianghere,
sas lagrimas faghen creschere
fiores in su desertu.

MUSELICHE

PIETRO PEIGOTTU

SASSARI